

地330.31  
138  
印2014

第十四册

卷二十三

經政略

卷二十四

武備略

韶州府志



經政畧

郵政

乾隆三年覆准廣東額設孤貧每名日給銀一分  
遇閏加增小建扣除額編銀兩不敷於地丁項下  
支給阮通志

九年覆准廣東設額外收養孤貧照額內例給與  
折色口糧歲無定額於隔年田房稅羨項下支銷  
則例

韶州府屬普濟堂孤貧每名日給口食銀一分冬  
月每名棉衣一件報銷工料銀五錢八分有奇病

韶州府志卷二十三

經政畧 郵政曲江

故者給棺木銀八錢六分曲江縣收養額內孤貧  
二十二名樂昌縣收養額內孤貧六名仁化縣收  
養額內孤貧六名乳源縣收養額內孤貧一十二  
名翁源縣收養額內孤貧一十八名英德縣收養  
額內孤貧二十四名則例

曲江縣

養濟院舊在城南明初遷相江書院前正德間知  
府華昶遷新館驛後日久傾圮崇正十年知縣潘  
復敏

國朝康熙十年知府馬元俱重建二十四年知府唐

宗堯重修舊志



善濟堂在郡城北門外乾隆二年知縣許鍾霖奏

文創建三十六年南韶連道李璜增修

增修

巡道李璜記韶郡之設普濟堂也由乾隆二年曲江縣合許君鍾霖奉文領工料銀四百七十二兩建造郡城北門外收養孤貧百口奉撥煤羨銀一千二百兩貸諸商歲取三分之利以支給口糧禦冬棉衣及病故棺木之費歷今三十餘年乾隆已丑歲予蒙

恩擢任監司駐節斯郡巡歷所至見其舍宇摧頽牆垣傾圯孤貧之民率多散處各房其無力遷徙者傍風上兩寢食危殆為之心惻者屢月伏念我朝重熙累洽休養生息百數十年薄海羣黎罔不登春臺而躋仁壽之域至於民間之災獨無依疲癯殘疾者尤為

聖明所軫念是以栖流之所養濟之院列郡多有其間擘畫經營隨時整理以期久遠蓋守土者之責也且韶地土瘠物產不饒故治生之塗蹙而顛連無告者待哺甚眾今則舊舍日就殘朽雖循例給發口糧栖息不能安堵普濟之謂何爰與署韶守陳侯曲江縣令蕭君共圖修復撥儲縣庫積存煤息

韶州府志卷二十三

經政畧 郵政曲江

二

銀二百餘金以資工作余更倡捐銀二百兩嗣賴署韶郡守陳韶郡守舒通判張連州牧楊曲江合許仁化令王各有捐助聲明各

上憲糾工建造添設房間較舊置為加密焉又曲邑紳士吳禧會環等復以收養僅百名而列冊未補者不下數十人望恩情切懇再畫良規俾得同沐生全之澤瀝情竊請此亦推廣仁慈事勢所不能已者也遂與郡守縣令謀之查有曲江紳士捐助充公銀兩遞年生息盈餘項下現存府庫銀一千三百七十餘兩可以動支郡守申詳各憲請以此項羨銀撥出一千兩貸商之殷實者

各憲飭府發縣舉行每名月給口糧銀三錢核計息銀歲得五百餘金足敷支給房舍次第畢工足敷居處復設專員司事醫藥殮埋稽察防護罔有缺陷太平關書吏陳珍余清臣沈溥捐施棹撥本道衙門典吏捐施床板踴躍急公共襄盛舉於是普濟堂之制備而可久而向之顛連無告者皆得延喘息於光天化日中矣是役也興工於庚寅仲冬落成於辛卯仲春共成房屋七十九間時韶府司獄夏廷芝曲江邑典史吳堂勞瘁督役既竣另設冊籍詳記捐輸經理巔末以善其後余雖不能



任其事而毒一方官吏士商咸能仰體

聖天子念切民依涵煦無窮之至意使寒疾貧民暮火

晨煙共欣得所亦繼黼

昇平之一端也遂述其畧俾勒諸石以垂永久

育嬰堂在城內華春里咸豐十一年知府史樸籌

復經費本銀四百兩發商生息每年週息銀四十

兩由府署按季核收支給乳婦

義塚在城西五里咸豐十一年南韶連道方濬頤

以韶多流寓寄停之柩無主遷運回籍因於城西

芙蓉山麓擇一高阜土名三望嶺為之分瘞於其

地各表以石碣詳刊亡者姓名籍貫編號登簿備

查並檢埋金罐白骨數十具同治十一年知府額

哲克查驗郡城各寺旅櫬纍纍籌款委合曲江縣

張希京府經歷戴懋彬典史李鴻清紳士侯遇南

劉多寶張子光朱克仁等督葬於此表石編號如

前

方濬頤義塚碑銘韶州隸粵之北江土瘠民貧風

俗尙稱醇樸獨有一陋惡之習違禮制背王章相

率效尤恬不為怪者曰停匱不葬蓋百餘年於茲

矣鄙人信鬼神而喜醮禳之事每逢殯期弔客觴

於室僧道闕於門費甚不貲唯恐稍形缺畧以貽

死者羞遂謂藏匱於家轉得事死如事生之道於

是子不忍葬其父母夫不忍葬其妻弟不忍葬其

兄一門之內幾成丙舍幽明混淆人鬼雜處士大

夫罕有斥其非者正不僅惑於青烏之術也濬頤

奉

天子命分巡斯土心竊憫之爰頒示通衢予三月限檄

屬吏延紳士廣為勸導而韶之人未嘗不幡然以

悔瞿然以興也郡城內外葬事畢舉計共瘞三百

餘匱其有遠方停厝於僧寺而不能歸葬者二十

匱為擇芙蓉山北之高阜分瘞之咸表以碣而建

碑於前題曰義塚並系之銘銘曰韶山峩峩兮韶



水悠悠魂魄有知兮鑒此一抔嗟異域之颺零兮  
弗獲首邱僧廬寥落兮夜台含愁天陰月黑兮青  
燐四流羌蒿里之來歸兮告后土而宅諸  
幽以妥以侑兮神用休勒貞珉兮垂千秋  
助葬案畧同治十一年額守以俗多停柩諭邑紳  
條議章程設局催葬並由府籌款給予葬費銀兩  
計各寺旅櫬由該親領葬者一十二具由局督葬  
者二十九具此外民間積停之柩二百餘具由府  
委員挨戶查催嚴立限期其無力營葬者舊喪每  
具給銀五兩新喪酌加仕宦者又倍之統計葬費  
並一切雜款薪工等項約去銀千金有奇

義庄在城西光孝寺後備停旅櫬同治十一年知

府額哲克建俱同上

樂昌縣

養濟院在舊學西舊志

仁化縣

韶州府志卷二十三

經政畧 郵政 樂昌 四  
仁化 乳源 翁源

養濟院在縣城外東北明萬曆二十一年知縣司

馬疇重修縣志

漏澤園在縣北二里同上

乳源縣

養濟院在縣東便民墟縣志

漏澤園在斗門山路北同上

翁源縣

養濟院在西門外縣志

育嬰堂在城內東街同上

英德縣

養濟院在社稷壇右現在大慶山南房屋二十四



間阮通志

育嬰公所在登雲街中約道光十六年邑訓導鄭如松以會英書院公置店地改建縣志

郡守郭際清序蓋聞陰陽健順乾坤化育之端恃瞻依父母生成之道故有天地而男女以降有男女而夫婦以成此萬化之原人倫之始所當各正性命保合太和也惟是命有不齊數亦各異人之誕育有毗於陽而生男有毗於陰而生女須知並育並行萬物蕃衍之常理引養引恬斯人撫字之恒情豈可稍存偏執之見妄設貴男賤女之心乎乃有無識愚民囿於惡習或因似續而憎生女之頻仍或吝妝奩而厭嫁女之糜費竟以骨肉視若仇讐甫出於胎輒投於水之生而致之死抑何忍哉夫古人掩骼埋瘞仁及骷髏放生戒殺思被禽魚何以屬毛離裏之人漫無保赤懷少之意况乎緹紫救父盧氏衛姑女亦何負於親而甘令其含冤覆盆也予於孟夏來守是邦竊聞粵東溺女之風所在皆然而韶屬尤甚始而恨之繼而憐之即思所以矚其顛蒙開其沉痾因簿書旁午有志而未逮焉茲學博雲濤鄭君盛德在躬仁心淑世有鑑於英之弊俗為之創建育嬰堂併撰戒溺女書一卷以普救眾生其中設養法以活之引果報以勸之極其愷惻精詳洵堪欽式予於是堂之將成也亟為捐廉襄助更勉其梓是書而行之惟望紳耆士庶閱是編者父誠其子兄勉其弟庶幾性命各正太和保合以無媿父母生成之道不悖乾坤化育之端而謝庭之玉樹芝蘭王氏之優龍劣豈不懿歟是為序

韶州府志卷二十一

經政畧 郵政 英德

五

育嬰公所經費

道光十五年訓導鄭如松倡捐除現發並建公所各費外存銀二千一百兩二十三年教諭傅鵬紳續將歷年存款銀七百八十兩合前款共銀二千八百八十兩均發交屬內當商領運生息每兩週年納息一錢遞年應得息銀二百八十八兩



遞年支銷各款

一送兩學印金銀四兩

一公所書辦一名每月給紙張工食銀一兩閏月照發

一納會英書院地租銀四兩

一育女貧苦之家憑各鄉首事給票每名領銅錢

八百文米四斗人無定數閏月照發

城南義塚在縣南五里馬鞍山側咸豐元年邑人

朱士林楊模楊培芳羅培菁等倡築四十二塚收

葬遺骸四十二具採訪冊

順德張錡記掩骼葬鬻著於月令王政也即仁術也昔西伯相地而葬枯骨唐宗散帛以收遺骸是皆道挾權行推恩易易匪方隅之所得而限已若夫惻隱動於中而舉手投足之勞自迫應於外初

韶州府志卷三十一

經政畧 郵政英德

六

不必藉有爵之尊有土之富也不必責攸歸望攸屬詛祝攸關也就吾見聞所矜願力所至助以眾擎德施行路雖一介之士隨在可勉而能故曰王政也即仁術也及門楊生模與其邑中同學諸君嘗有義塚之舉釀金買地英邑城南馬鞍山側收葬無主遺骸四十二具皆得於巖坳水涘暴露有年為風雨所摧殘波濤所齒蝕纍纍平慘目而傷心者次第甕羅攢而瘞之於其上各樹碑碣誌所從來而姓名里居則均無可考慮斯事之涉乎人已嫌疑間也先列狀以聞於有司又慮後此之難繼也復以餘金置薄產供祭掃且為之繪圖勒石垂徵永久蓋始終周詳慎重如此嗚呼誠仁術哉佛氏報應之說儒者弗道而迪吉逆凶聖有謨訓其故何歟亦嚴乎義利之辨而已責報之心不容設獲報之理不容誣作善降祥積善餘慶吾於諸君信之矣無欲而好無畏而惡吾於諸君期之矣雖然猶有進焉夫遺骸收枯骨葬見之王者祇博濟之一端出諸吾儒亦立達之一事而政之大經仁之本務有先乎此者矣惠加於鬼則其惠加於人可知也恩及於遠則其恩及於近又可知也然則親親仁民愛物之序當有以觀其會通而順事想施罔非廣已造大之可同日而語也夫



響山義塚在縣屬巖前鄉同治五年萬青錢楊模張景陽萬維新萬自新等倡築百二十一塚六年

在城南增築二百六十八塚俱葬無主遺骸上同

楊模記蓋聞揜骼著於呂氏除翫掌自秋官西伯澤枯王朝無含寃之鬼唐宗散帛盛世鮮為厲之魂楚紀白公之微亦營窀穸秦重柳下之壟相戒採樵王少林之殯書生劉長史之送孤姥植之殮山間而先以藥李勉葬逆旅而埋其金皆收比二陵而暴殊兩國者也前者咸豐紀元余與同門朱芥如茂才等倡築城南義塚收葬無主遺骸四十學至聖狗席馬惟敢謂行仁有術讀屈原國殤山鬼其期見義必為白骨藉安害免越王狐摺黃泉得所情殊楚子鮑封露飲風殮無聞出出天陰雨濕永息啾啾固非圖福報於啣環希冥助於結草者矣然而巖坳石室暴露猶多怵目傷心瘞難緩嚙野壘疊駭駭累崇異晉廷驚同鄭室巨港長城之積北隍東陸之橫何來智伯之頭怪稱飲器豈是防風之骨駭問專車鬪醜驍然漆園見而

韶州府志卷二十二

經政畧 郵政 英德

七

心惻睜髻髮矣昌黎憫而愁吟此又有心人所不能忘情也萬一笑明經前輩張春臺廣文萬銘齋茂才萬勵卿孝廉諸同譜等慨然示余曰前事者後事之師幽魂宜妥也新鬼與故鬼無異道確宜周也相與勸捐得金若干兩於同治丙寅仲冬在巖前響山築塚收葬響山等處遺骸百二十一具其明年丁卯仲夏在城南義塚旁築塚收葬麻寨石尾老地灣等處遺骸二百六十八具董之者葬齒情殷躬親舂搗勸之者釀金志切惠賜弁纓是何異祠骸府阿曹射聲之軼事掩骨城曲陳廣漢之遺風朱臨漳改葬冥漠君耐雙魂以豚酒王陽明親瘞京吏目封三坎於龍場一抔之土可乾九原之孤有託凡捐貲之姓氏俱鐫石以流傳

防韶經費

同治元年知府史樸以韶郡地方衝要防禦無資稟奉

耆撫院批准將白土與連州江口兩廠所獲走私



餘鹽變價銀兩解赴道庫留作防韶經費嗣因白  
土及連州江口兩廠裁撤歸併石角廠盤收解繳  
自同治元年十二月開辦起遞年所收銀兩除因  
公支用外經南韶連道韶州府於二年五年七年  
內先後提出本款銀一萬兩發商生息繳儲道庫  
以備支應又於十年內由道詳准提出本款銀五  
千兩作為韶屬文闈士子賓興經費並將續收用  
存各數於十一年六月內列冊申報 大憲有案

本款發商生息開源元豐二押各領運本銀一千  
兩均各週年息銀五十五兩 永興押領運本銀五  
百兩週年息銀二十五兩又領運本銀九百兩每  
兩每月行息銀六釐 同盛押領運本銀八百兩  
週年息銀四十兩又領運本銀一千兩每兩每月  
行息銀五釐又領運本銀八百兩週年息銀四十

韶州府志卷二十三

經政畧 防韶經費

八

八兩 大生押領運本銀七百兩每兩每月行息  
銀六釐又領運本銀八百兩週年息銀四十兩  
韶泰押領運本銀一千兩每兩每月行息銀六釐  
又領運本銀五百兩週年息銀二十五兩 福安  
押領運本銀一千兩  
週年息銀六十兩  
同治元年知府史樸請設防韶經費案 竊卑府  
前因韶郡地處瘠疲防禦無資稟請將三廠貨釐  
項下酌提一成撥作預籌防禦經費以備不虞當  
奉

者前撫憲批示查韶州釐金近來大為減色今復  
稟請酌撥一成為韶城防禦經費則建甯數萬軍  
食何所請領實屬窒礙難行因思白土江口兩廠  
從前起獲餘鹽查獲私鹽變價銀兩除動支各廠  
經費外尚多存儲此後陸續獲變應可積成鉅款  
即以此項留存該郡防費既無損於協餉洵有裨  
於地方誠一舉兩得之道仰即轉飭遵照辦理並  
奉

前督憲勞批示此案昨准  
著撫院咨以韶州釐金近來大為減色所請碍難  
准行飭將白土江口兩廠起獲餘鹽查獲私鹽變  
價銀兩留作該郡防費在案據稟前情仰局核飭



逆照又奉

運憲批據稟預籌部郡防虞經費請將鹽釐各廠

盤獲夾帶私鹽變價銀兩稟奉

者撫憲批准留儲備用當茲制用孔亟之時預為

未雨綢繆之計如一歲中此項果有五六千金提

存府庫則積款甚鉅自可備豫不虞矣惟各廠員

均須實力稽查所有每月各該廠盤獲夾私即令

於月報鹽釐冊內將變價提存各銀數分晰報司

以備稽考斷不准始勤終怠暨任意留支漫無考

核流弊各等因均經遵照辦理在案卑府伏查部

郡界連三省烽埃時驚兼之民窮財盡庫藏空虛

設或偶有警報而征餉調兵既欲保護郡城又欲

分防各屬臨時籌費實屬艱難故不得未雨綢繆

繆為有備無患之計茲查白土與連州江口兩廠

所獲私餘鹽變價銀兩自咸豐十一年三月設廠

起至元年二月止計存銀三千零三十兩零五錢

八分會於四月內造冊稟明又自本年三月起至

十一月底止共盤獲私餘鹽釐除查照舊章提充書巡

百五十七兩零七分九釐除查照舊章提充書巡

等賞犒及開發水脚各項外尚存銀四千九百七

十四兩八錢一分三釐連前統共實存銀八千零

零五兩三錢九分三釐此項銀兩前曾稟明積有

韶州府志卷二十二

經政畧 防韶經費

九

成數即發商生息現在自應飭傳紳商具領藉資

充裕惟該商等僉稱生理維艱前次奉發書院經

費已屬勉從今係防禦之款尤為緊要不致不領

惟此款不過代為存儲一經提用即如限完繳似

難與所發書院之款專為生息者一律並論懇求

酌減息銀俾免支絀卑府察核該商等所稱委屬

實情當議定每百兩每年繳息銀五兩不計閏雖

為數甚微較之久儲庫中究有裨益且亦不便令

其多領恐將來有誤事機隨發交餉號五間每間

領銀七百兩餉當兩間每間領銀一千兩新押一

間領銀五百兩共銀六千兩各取領狀附卷所有

每年息銀均於臘月底繳府收存此外尚餘銀二千  
零零五兩三錢九分三釐本可寄存府庫但府庫  
徒有豐積庫之名而無專司之役防範恐有未周  
關繫實非淺鮮惟查道庫素稱謹慎收支最為妥  
便現經卑府稟  
憲臺即將前項餘銀二千零零五兩三錢九分三  
釐解赴道庫存儲此後鹽釐兩廠於月報鹽釐冊  
內分晰聲明一面由分局稟知  
憲臺以備稽考而昭慎重倘存庫之款日後復有  
撥實之處可以生息者當再分別辦理並具文開  
摺申報第前項經費係為保衛韶郡地方起見他



處固不便輕自挪移若非緊要軍務亦不得擅行  
動用自應稟請立案以杜弊端應請嗣後如韶郡  
有軍務重情及各屬倘有警報異常急迫必須調  
派兵勇馳往救援或雇募勇壯預爲防堵者須道  
府曲江縣會同商妥即將提用此項緣由並數目  
通稟  
各憲一面由道出一印票送交府縣各於票內蓋  
印始准向該當店等處提銀支發提用後卽由府  
覈實報銷此外無論何項公事如非辦理軍務者  
概不得動用絲毫而提用時如無道府縣印票該  
餉當等擅將前項銀兩並不遵照定章輕自發交  
者亦惟該餉當等照數賠繳如此明定章程庶日  
後遇有軍務既可免臨時周章並可杜私用挪移  
之弊矣至每年有無提用及原存與續收獲變銀  
兩數目均按夏冬兩季通報  
各憲察核

### 賓興經費

道光十年南韶連道楊殿邦捐銀四百兩十一年  
續捐銀六百兩二十七年南韶連道梁星源捐銀

韶州府志卷二十三

經政畧 賓興經費

十

五百兩並庫存息銀九十兩續捐銀一十兩湊足  
銀六百兩連楊道捐款共一千六百兩均發商生  
息以歲得息銀爲韶屬士子鄉試省費並舉人會  
試拔貢優貢

朝考京費計至咸豐元年除支外尙餘停息本銀一  
千二百二十兩咸豐四年韶郡軍興餉需支絀經  
曲江縣五福稟請提用原設經費全欸無存同治  
十年南韶連道林述訓知府額哲克厘念韶屬賓  
興經費前因軍務提用近屆士子鄉會試資斧拮  
据妥爲籌復因於道庫留充防韶經費項下提銀  
五千兩府庫用存外銷之巡防經費項下提銀一



千兩共銀六千兩發交韶城內外押商分領生息  
所收息銀爲文闈鄉會試賓興經費詳准立案永  
遠遵行

由道申院詳文 竊維教澤涵濡賓興之典禮特  
重人材蔚起有司之作育宜殷溯前韶屬士子赴  
試原有賓興專款發商生息嗣因軍需提用遂未  
舉行職道到任以來入思籌款興復近幸地方安  
靖庫儲閒款支有盈餘現與韶州府額守公同商  
酌擬在職道庫收存之私餘鹽變價稟明留充防  
部經費項下提銀五千兩又在韶州府庫用存外  
銷之巡防經費項下提銀一千兩共銀六千兩發  
商生息專爲韶屬士子賓興經費並經飭據韶城  
紳士會議章程呈乞稟明立案前來理合照備章  
程清摺據情轉稟 憲臺察核俯賜批示立案以  
垂久遠再前項本銀六千兩甫於同治十年九月  
二十一 日支發韶城內外押商分領生息計至來  
屆癸酉文闈收息無多擬俟屆期另籌津貼  
奉批 據稟籌款發商生息以爲韶屬士子文闈  
賓興經費洵屬善舉所議章程亦屬妥協仰東布  
政司備移 遵照立案

韶州府志卷二十二

經政畧

賓興經費

十一

設復韶屬文闈士子賓興章程

一韶屬向有賓興公款咸豐四年間因紅匪滋事  
提濟軍餉現將南韶連道庫歷年收存防韶經費  
項下提銀五千兩韶州府庫遞年支剩巡防經費  
項下提銀一千兩共銀六千兩撥歸韶屬賓興公  
款分交押商承領生息遞年所得息銀勻給士子  
鄉會試及拔優貢

朝考盤費永遠遵行只許支息不許提本如係他事  
本息均不得提用

一賓興公款本銀六千兩於同治十年九月二十



一日發交城內開源押元豐押永興押同盛押韶泰押裕成押城外大生押龍歸墟福安押犁頭市永豐押聯名保結公同領運生息每百兩週年納息銀六兩每年共得息銀三百六十兩俱於十一月備繳南韶連道庫存儲俟至鄉會試期給發遇有

恩科年分卽於六月先繳半息應支立簿登記押商有歇業者照派現開之押分運

一賓興公款本銀六千兩按照各押商每百兩每年納息銀六兩計算每年共得息銀三百六十兩三年共銀一千零捌拾兩除下屆癸酉科通融辦理外嗣後三年一屆照攤每屆正科鄉試以前兩年所存息銀七百二十兩給發遇

恩科則連本屆正科兩份分派各給銀三百六十兩均照六邑入闈士子名數勻攤每屆正科會試在前一年所存息銀三百六十兩內支發會試舉人資斧每名給銀五十兩新舊一體如會試人數過七名以外則將本屆銀三百六十兩儘數攤給如不滿七名則將餘款存庫歸併下屆經費辦理遇

恩科會試並拔優貢

朝考之年應將前屆餘存之款彙同本屆應有息銀三百六十兩核計若不敷按名給銀五十兩之數



應卽儘數勻攤

一遇有科年分應於是年六月二十日以前由韶州府學曲江縣學之送科教官將應領正科息銀七百二十兩或

恩科息銀三百六十兩備具文領前赴南韶連道庫領出飭知樸誠可靠之科生公同擇一般實舖戶滙省支發

一送科兩教官領銀滙省及到省支發均需小費卽兩學書亦有微勞如正科每學官應各支銀五兩

恩科折半其每學書毋論正科

韶州府志卷二十二

經政畧 賓興經費

十三

恩科均各給銀一兩以資津貼此外不得侵挪需索其滙銀赴省如有滙貼水費統歸本欵核算

一送科兩教官領滙銀兩到省卽貼紅簽知會合屬士子定於八月十七日分派先於頭場點名後由七學送科各教官照龍門點名冊查開名單併送韶州府學曲江縣學兩教官公同查核按照各縣應試名數派定每名應給銀若干兩至十七日郡屬各縣由樸誠可靠之科生到儒學公館當堂照份按縣一總領出轉給入闈士子如已報納試卷臨場無故不到者不得混開其有確係患病未能入闈者仍准照領



一會試舉人及

朝考之拔優貢入京資斧銀兩均須具領親赴道府署稟明起程日期聽候驗領給發如留京會試者准由該舉人親屬稟領自行滙京惟遇會試

朝考人多則本屆息銀三百六十兩不敷每名給銀五十兩之數該入京之舉貢生等須於科前一年之十月先赴道府署報明以便將道庫前屆存款并人本屆應有息銀三百六十兩或照額給予或儘數勻攤預計應支銀數屆時傳領其有領銀後並不入京者追還確已起程出省而值事故中途折回者免其追繳

一鄉試中式者給旂匾銀一十兩會試中式者給旂匾銀一十五兩入詞館者送旂匾銀二十兩俱由道庫將歷屆存款發給如存款不敷則在本屆鄉會試各費內酌提支送以示鼓勵



